

OFFERYNNAU STATUDOL CYMRU

2001 No. 2292

**Rheoliadau Awdurdodau Lleol (Refferenda)
(Deisebau a Chyfarwyddiadau) (Cymru) 2001**

RHAN II

DEISEBAU A REFFERENDA

Cyfyngiadau sy'n ymwneud â chyhoeddusrwydd

15.—(1) Rhaid i awdurdod beidio â thynnu unrhyw wariant at ddibenion—

- cyhoeddi unrhyw ddeunydd y mae'n ymddangos, yn gyfan gwbl neu'n rhannol, ei fod wedi'i gynllunio i ddylanwadu ar etholwyr llywodraeth leol wrth iddynt benderfynu a ddylid llofnodi deiseb o dan y Rhan hon neu beidio;
- helpu unrhyw berson i gyhoeddi unrhyw ddeunydd o'r fath; neu
- dylanwadu ar etholwyr llywodraeth leol wrth iddynt benderfynu a ddylid llofnodi deiseb o dan y Rhan hon neu beidio, neu helpu unrhyw berson i ddylanwadu arnynt, drwy unrhyw gyfrwng arall.

(2) Rhaid peidio â chymryd dim byd ym mharagraff (1) fel pe bai'n atal awdurdod rhag tynnu gwariant ar gyhoeddi unrhyw wybodaeth ffeithiol neu ei darparu fel arall ar gyfer unrhyw berson (boed yn unol ag unrhyw ddyletswydd i wneud hynny neu beidio) cyn belled ag y caiff ei chyflwyno'n deg.

(3) Wrth ddyfarnu at ddibenion paragraff (2) a yw unrhyw wybodaeth wedi'i chyflwyno'n deg, rhaid rhoi sylw i unrhyw ganllawiau sydd wedi'u cyhoeddi am y tro gan Gynulliad Cenedlaethol Cymru o dan adran 38.